

Syaqiera tekad teruskan momentum di SUKIPT

[Affan Rostam](#)

sukan@hmetro.com.my



SYAQIERA sumbang emas buat negara di AUG dan perak di Sukan SEA. -FOTO NSTP

Tanjung Malim: Atlet memanah wanita negara, Syaqiera Mashayikh yang cemerlang di Sukan Universiti Asean (AUG) 2022 di Thailand baru-baru ini berharap dapat meneruskan momentum sama dalam Sukan Institusi Pengajian Tinggi (SUKIPT) 2022.

Syaqiera yang mewakili Universiti Putra Malaysia (UPM) itu sedia mempertaruhkan pengalamannya untuk meraih pingat emas acara individu dan berpasukan pada temasya SUKIPT yang sudah memasuki edisi ke-5 kali ini.

Bagaimanapun, dia enggan memandang mudah cabaran daripada peserta IPT lain dalam acara memanah yang dijadual bermula Khamis ini di Padang Istiadat, Kampus Sultan Azlan Shah Universiti Pendidikan Sultan Idrisi (UPSII).

"Saya sasar untuk menyumbang dua pingat emas buat UPM dalam acara individu dan berpasukan. Saya dan pasukan akan bawa pengalaman di AUG ke SUKIPT.

"Di SUKIPT nanti saya akan bergandingan bersama Nuramalia dan Nur Afisa sewaktu meraih emas dalam acara berpasukan di AUG 2022. Saya harap kami mampu menjelmakan pingat emas buat UPM," katanya.

Untuk rekod, Syaqlera berjaya meraih gangsa acara recurve individu dan perak acara berpasukan campuran pada Sukan Sea Hanoi 2022 sebelum meraih emas di AUG 2022 bagi acara berpasukan dan perak acara individu.

End

Disiarkan pada: Ogos 15, 2022 @ 1:56pm